

Herba Absinthii.

Wermuthkraut.

Artemisia Absinthium L. Compositae Adanson.

XIX. 2. L.

Herba florens paniculata, foliis cano-sericeis, bi- vel tripinnatifidis, summis indivisis, laciniis spathulatis, anthodiis subglobosis, nutantibus, receptaculo piloso, corollis subflavis, saporis peramari, odoris peculiaris gravis. Colligenda mensibus Julio et Augusto, a caulibus crassioribus liberanda.

Herba Centaurii minoris.

Tausendgüldenkraut.

Erythraea Centaurium Persoon. Gentianeae Juss.

V. 1. L.

Herba florens, caule angulato inferne simplici, superne corymboso, foliis oppositis, sessilibus, ex ovali-oblongis, tri- vel quinquenerviis, glabris, floribus rubris, antheris defloratis cochleae instar tortis, saporis amari. Colligatur mense Julio.

Herba Chelidonii.

Schellkraut.

Chelidonium majus L. Papaveraceae De Candolle.

XIII. 1. L.

Herba recens, succo luteo acri repleta, foliis sublyratis, subtus glaucescentibus, ibidem nervis praesertim pubescentibus, laciniis rotundatis, lobato-crenatis. Colligenda herba quum planta florescit.

Herba Cochleariae.

Löffelkraut.

Cochlearia officinalis L. Cruciferae Juss.

XV. 2. L.

Herba recens florens, foliis infimis petiolatis, subcordato-rotundis, repandis, superioribus amplexicaulibus ovatis, sinuato-dentatis, corollis albis, siliculis turgidis, contrita odoris proprii, saporis amari, manducata acris. Herba plantae cultae vere colligenda.

Herba Conii maculati.

Schierlingskraut.

*Herba Cicutae.**Conium maculatum L. Umbelliferae Juss.*

V. 2. L.

Herba florens, glabra, foliis tri- vel quadripinnatifidis, in basi vaginatis, laciniis ultimis ovalibus, obtusis, mucronulatis, floribus parvis, albis, germine fere semigloboso, crenato-costato. Ne confundatur cum herba *Anthrisci silvestris Hoffmann*, multo frequentiore, caule sulcato, nodis tumidis, foliis et in vagina et subtus pilosis, laciniis foliorum ultimis oblongis, acutis, germine oblongo ecostato.

Herba Conii maculati, odore peculiari praedita, a caule fusco-maculato ramisque validioribus liberata **caute** neve ultra annum servetur.

Herba Gratiolae.
Gottesgnadenkraut.

Gratiola officinalis L. Scrophularinae R. Brown. II. 1. L.

Herba florens, glabra, caule tetragono, stricto, superne ramoso, foliis oppositis, sessilibus, lanceolatis, remote serratis, tri- vel quinquenerviis, floribus axillaribus, solitariis, bibracteolatis, corollis subringentibus, albidis. Colligenda mensibus Junio et Julio.

Caute servetur.

Herba Polygalae amarae.
Bittere Kreuzblume.

Polygala amara L. Polygaleae Juss. XVII. 3. L.

Herba florens cum radice tenui luteola, caulibus pluribus, unum et dimidium ad tres pollices altis, foliis inferioribus majoribus, in orbem digestis, spathulatis vel obovatis, obtusis, caulinis sparsis, lanceolatis, floribus parvis, racemosis, sapore peramaro.

Cave ne cum aliis Polygalae speciebus commutes, a quibus distinguitur et foliis inferioribus et sapore peramaro.

Herba Serpylli.

Feldkümmelkraut. Quendelkraut.

Thymus Serpyllum L. Labiatae Juss. XIV. 1. L.

Herba florens, caule tenui, prostrato, foliis planis, oppositis, parvis, angustioribus vel latioribus, utrinque glandulosis, basi ciliatis, floribus capitatis, calyce atque corolla bilabiatis, odoris peculiaris.

Herba Thymi.

Thymiankraut.

Thymus vulgaris L. Labiatae Juss. XIV. 1. L.

Herba florens, caule tenui, erecto, ramoso, pubescente, foliis parvis, oppositis, oblongis, margine revolutis nec ciliatis, utrinque glandulosis, subtus cano-pubescentibus, verticillastris axillaribus, superioribus congestis, calyce et corolla bilabiatis, odoris peculiaris.

Herba Violae tricoloris.

Freisamkraut. Stiefmütterchenkraut.

*Herba Jaceae.***Viola tricolor L. Violarinae De Candolle. V. 1. L.**

Herba florens, caule angulato, ramoso, foliis sparsis, petiolatis, oblongis, crenatis, stipulis lyratis, petiolo longioribus, floribus longe pedunculatis, axillaribus, labiosis, calcaratis, tricoloribus vel flavidis.

Hirudines.

Egel. Blutegel.

Sanguisugae species. Vermes, Annulata, Hirudinea.**Sanguisuga medicinalis Savigny.**

Deutscher Blutegel.

Granuloso-scabra, superne olivacea, lineis sex longitudinalibus laete ferrugineis, nigro punctatis, subtus e subviridi luteola, maculis margineque nigris

Sanguisuga officinalis Savigny.
Ungarischer Blutegel.

Laevis, superne subviridis vel e nigricante viridis, lineis sex longitudinalibus ferrugineis, nigro-punctatis, subtus olivacea, immaculata, linea utrinque laterali nigra.

Ne ad sugendum antea sint adhibitae.

Hydrargyrum amidato - bichloratum.
Quecksilberamidchlorid.

Hydrargyrum ammoniato - muriaticum.

Mercurius praecipitatus albus.

Hydrochloras ammonicus cum Oxydo hydrargyrico.

R. Hydrargyri bichlorati corrosivi partes duas, 2.
 Aquae destillatae partes triginta duas, 32.
 Ammoniaci caustici soluti partes tres. 3.

Hydrargyrum bichloratum in aqua destillata calefaciendo solutum, deinde refrigeratum et filtratum inter agitationem in ammoniacum causticum solutum, quod paullum praevaleat, infunde, tum praecipitatum filtra, quod postquam humor ab eo defluxit, **duodeviginti** partibus Aquae destillatae bis eluas. Loco obscuro siccetur.

Sit albissimum et igne plane volatile.

In vasis bene obturatis, a luce remotum **cautissime** conserva.

**Hydrargyrum bichloratum
corrosivum.**

Aetzender Quecksilbersublimat.

Hydrargyrum muriaticum corrosivum.

Mercurius sublimatus corrosivus.

Bichloretum Hydrargyri.

Ignitum sine residuo avolet, in aquae frigidae partibus sedecim, ebullientis partibus tribus, in spiritus vini rectificatissimi frigidi partibus tribus, in aetheris frigidi partibus quatuor solubile sit.

In vasis bene clausis cautissime serva.

Hydrargyrum biiodatum rubrum.

Mercurius iodatus ruber. Biiodetum Hydrargyri.

Hydrargyrum periodatum.

R. Hydrargyri bichlorati corrosivi partes

quatuor,	4.
Aquae destillatae partes septuaginta duas, . . .	72.
Kalii iodati partes quinque,	5.
Aquae destillatae partes sedecim.	16.

Hydrargyrum bichloratum corrosivum in aquae septuaginta duabus partibus, kalium iodatum in aquae sedecim partibus solve, solutum utrumque filtra et inter agitationem hydrargyro bichlorato soluto kalium

iodatum solutum adde. Hydrargyrum biiodatum inde ortum in filtrum immitte, aqua destillata bene elue et sicca.

Sit pulvis laete coccineus, ignitus residui nihil relinquens, in spiritu vini rectificatissimo, sed non in aqua solubilis.

In vasis bene clausis **cautissime** servetur.

Hydrargyrum chloratum mite. Quecksilberchlorür.

Hydrargyrum chloratum mite laevigatum.

Hydrargyrum muriaticum mite laevigatum.

Mercurius dulcis. Calomel. Chloretum Hydrargyri.

Sit pulvis e subflavo albus, subtilissimus, ex hydrargyro chlorato sublimato parandus, cum aqua frigida contritus huic hydrargyri bichlorati corrosivi nihil impertiens, ignitus plane avolans.

A luce remotum **caute** servetur.

Hydrargyrum depuratum. Gereinigtes Quecksilber.

Ignitum residuum ne relinquat, neve aliena metalla contineat.

Hydrargyrum iodatum.*Hydrargyrum iodatum flavum.**Mercurius iodatus flavus. Hydrargyrum subiodatum.**Iodetum hydrargyrosium.*

R. Hydrargyri depurati partes octo, 8.
 Iodi partes quinque. 5.

In mortario porcellanico hydrargyrum et iodum adpersis Spiritus Vini rectificatissimi nonnullis guttis contere, donec globuli hydrargyri oculis non amplius percipi possint et mixta colorem e subviridi flavum induerint. Tum spiritu vini elotum loco calido sicca.

Sit pulvis e subviridi flavus, ab hydrargyro biiodato liber.

A luce remotum cautissime servetur.

Hydrargyrum oxydatum rubrum.

Fein zerriebenes Quecksilberoxyd.

*Hydrargyrum oxydatum rubrum laevigatum.**Mercurius praecipitatus ruber.**Oxydum hydrargyricum.*

Sit pulvis subtilissimus, colore e rubro flavo, ab hydrargyro metallico et acido nitrico liber, in acidis et nitrico et hydrochlorato plane solubilis, ignitus residui nihil relinquens.

Loco obscuro cautissime serva.

Hydrargyrum oxydulatum nitricum crystallisatum.

Nitras hydrargyrosus.

R. Hydrargyri depurati,
Acidi nitrici partes aequales.

In patinam porcellanicam infusa per aliquot dies sepone. Tum liquor calefiat, donec crystalli ortae plane solutae fuerint, quo facto hydrargyrum separetur a liquore, qui ad crystallisationem seponatur. Crystalli e liquore exemptae siccentur. Liquori hydrargyrum rursus addere eandemque operationem tam diu repetere licet, quam diu crystalli oriuntur.

In vasis bene obturatis cautissime servetur.

Hydrargyrum oxydulatum nitricum solutum.

Liquor Hydrargyri nitrici.

Nitras hydrargyrosus solutus.

R. Hydrargyri oxydulati nitrici crystallisati
partes septem, 7.
Aquaе destillatae partes quinquaginta
quinque, 55.
Acidi nitrici partem unam. 1.

Aquam cum acido nitrico misce, hydrargyrum oxydulatum nitricum in hoc mixto solve, solum filtra eique si opus fuerit, tantum aquae destillatae adde, ut pondus specificum sit = 1,100.

Sit limpidum, ab hydrargyro oxydato nitrico liberum.

In vase bene clauso cautissime servetur.

Hydrargyrum sulphuratum nigrum.

Aethiops mineralis.

R. Hydrargyri depurati,
Sulphuris depurati, partes aequales.

Hydrargyrum cum sulphure modico calore tam diu conteratur, donec acido nitrico calore non adhibito hydrargyri nihil amplius e massa solvatur.

Sit pulvis coloris nigerrimi, ignitus plane avolans.

Infusum Sennae compositum.

Loco Aquae laxativae Viennensis.

R. Foliorum Sennae concisorum partes duas, . . . 2.
Aquae communis fervidae partes duodecim, . 12.
Natro-Kali tartarici partes duas, 2
Mannae partes tres. 3.

Foliis Sennae infunde aquam fervidam, sepone per semihoram saepius agitando, deinde exprime; in colatura solve natro-kali tartaricum et mannam. Denuo cola.

Colatura efficiat partes quindecim.

Sit coloris fuscii.